



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მარიამსაკმელა



მარიამსაკმელა (Peganum), მცენარეთა გვარი ორყურასებრთა ოჯახისა. ბოგიერთი ეკუთვნის მარიამსაკმელასებრთა (Peganaceae) ოჯახს. მრავალწლოვანი ბალახოვანი მცენარეებია. აქვთ აღმავალი ან წამოწეული მრავალი ღერო, ხაზურად განკვეთილი ფოთლები, ყვითელი ყვავილები, სამსაგდულიანი და მრავალთესლიანი კოლოფი (ნაყოფი).

გვარი აერთიანებს 6 სახეობას, რ-ებიც გავრცელებულია ევრაზიის სამხრ. ნაწილსა და მექსიკის ზეგანზე. საქართველოში ერთი სახეობაა – P. harmala; იზრდება მშრალ და დამლაშებულ ადგილებზე – ველებზე, ნახევრად უდაბნოებსა და უდაბნოებში, ზოგჯერ რუდერალურ

ადგილსამყოფელზეც.

მისი თესლიდან იღებდნენ მონითალო-მოვარდისფრო საღებავს შალეულისა და აბრეშუმის ქსოვილებისათვის.

დ. ხინთიბიძე
